

**SAVEZ MODERNIH PLESOVA  
U  
BOSNI I HERCEGOVINI  
SMP U BIH**

**S T A T U T**

## Sadržaj:

I	OPŠTE ODREDBE	1
II	NAZIV, SJEDIŠTE I PODRUČJE DJELOVANJA	4
III	PRAVNI POLOŽAJ SAVEZA	4
IV	CILJEVI I DJELATNOST SAVEZA	5
V	ORGANI SAVEZA	6
VI	SKUPŠTINA	6
VII	NADZORNI ODBOR	7
VIII	UPRAVNI ODBOR	8
IX	PREDSJEDNIK SAVEZA	10
X	KOMISIJE SAVEZA	10
XI	GENERALNI SEKRETAR SAVEZA	10
XII	USLOVI, NAČIN UČLANJENJA I PRESTANAK ČLANSTVA, S PRAVIMA , DUŽNOSTIMA I ODGOVORNOSTIMA ČLANOVA SAVEZA	11
XIII	POSTUPAK ZA DONOŠENJE STATUTA, IZMJENE I DOPUNE STATUTA I DRUGIH OPŠTIH AKATA SAVEZA	13
XIV	NAČIN STICANJA, KORIŠTENJA I RASPOLAGANJA SREDSTVIMA I IMOVINOM SAVEZA	13
XV	POSTUPAK UDRUŽIVANJA U MEĐUNARODNE SAVEZE, UDRUŽENJA, ASOCIJACIJE I DRUGE SUBJEKTE	14
XVI	ZASTUPANJE SAVEZA	14
XVII	PRESTANAK RADA	14
XVIII	ZAVRŠNE ODREDBE	15

**Na osnovu Člana 10. i 12. Zakona o udruženjima i fondacijama Bosne i Hercegovine ("Službeni glasnik BiH", br. 32/ 01, 42/03 i 63/08) Osnivačka Skupština Udruženja „Savez Modernih Plesova u Bosni i Hercegovini“ na sjednici održanoj dana 15.01.2009. u Banja Luci usvojila je:**

# **S T A T U T**

## **SAVEZA MODERNIH PLESOVA U BOSNI I HERCEGOVINI**

### **I OPŠTE ODREDBE**

#### **Član 1.**

Savez modernih plesova u Bosni i Hercegovini, skraćeno „SMPuBiH“ (u daljem tekstu Savez) je sportsko udruženje u koje su udružena plesna udruženja sa prostora dva entiteta Bosne i Hercegovine.

Savez je nevladino, nestranačko, nezavisno sportsko udruženje, koje je osnovano udruživanjem plesnih udruženja sa prostora Bosne i Hercegovine, u cilju, omasovljavanja, unapređenja i razvoja modernog plesa u Bosni i Hercegovini.

Savez je po svojoj organizaciji, karakteru i ciljevima samostalno udruženje na nivou Bosne i Hercegovine sa zadatkom da omasovljava, organizuje, planira i unapređuje moderni ples u skladu sa ovim Statutom, odlukama Skupštine i Upravnog odbora Saveza.

#### **Član 2.**

Statut Udruženja "Savez Modernih Plesova u Bosni i Hercegovini " u skladu sa Zakonom sadrži slijedeće odredbe:

1. naziv Udruženja, skraćeni naziv Udruženja i adresu Udruženja,
2. pravni položaj,
3. ciljevi i djelatnost,
4. opis i sadržaj pečata,
5. postupak za primanje i isključivanje članova, sa pravima, dužnostima i odgovornostima članova,
6. organi Udruženja, , način izbora i opoziva, njihova ovlaštenja koja imaju, trajanje mandata, način odlučivanja kao i njihove odgovornosti, lice ovlašteno da sazove Skupštinu, uslovi i način prestanka rada Udruženja,
7. postupak za donošenje Statuta, izmjene i dopune Statuta i i način donošenja drugih opštih akata,
8. način sticanja , korištenja i raspolaganja sredstvima i imovinom, kao i organ koji je ovlašten za nadzor nad korištenjem tih sredstvima,
9. javnost rada,
10. sporovi
11. uslovi i postupak za pripajanje, razdvajanje, transformaciju ili za prestanak rada Udruženja,
12. završne odredbe, odnosno postupak za raspolaganje preostalim imovinom ili drugim sredstvima u slučaju raspuštanja ili prestanka rada Udruženja.

## II NAZIV, SJEDIŠTE I PODRUČJE DJELOVANJA

### Član 3.

1. Puni naziv Saveza glasi:

SAVEZ MODERNIH PLESOVA U BOSNI I HERCEGOVINI,  
САВЕЗ МОДЕРНИХ ПЛЕСОВА У БОСНИ И ХЕРЦЕГОВИНИ,  
SAVEZ MODERNIH PLESOVA U BOSNI I HERCEGOVINI.

skraćeni naziv Saveza je:

SMPuBiH,  
СМПуБиХ,  
SMPuBiH.

Naziv Saveza istovjetan je na sva tri službena jezika koja se koriste u Bosni i Hercegovini.  
Puni naziv Saveza se koristi na latinici i ćirilici.

2. Sjedište Saveza je : Banja Luka 78 000.  
Adresa Saveza je "Ulica Jovana Dučića 23 A".

3. Savez ima pečat, štambilj, znak i zastavu.

4. Pečat je okrugao, prečnika 40 mm i po obodu ima ispisan tekst:  
„Savez Modernih Plesova u Bosni i Hercegovini“.

U sredini pečata stilizovana figura plesača, sa ispisanim i skraćenim nazivom SMPuBiH.

Štambilj je pravougaonog oblika, služi za protokol, ima ispisan puni naziv SMPuBiH, sa sjedištem Saveza, i prostorom za za broj i datum.

Znak SMPuBiH predstavlja stilizovana figura plesača sa ispisanim skraćenim nazivom SMPuBiH u sredini i punim nazivom kružno oko znaka udruženja.

Zastava SMPuBiH je žute boje sa plavim obodom, uspravna i omjera 2:1 sa stilizovanom figurom plesača iznad koje je ispisan tekst „SAVEZ MODERNIM PLESOVA U BOSNI I HERCEGOVINI“ na tri zvanična jezika i dva pisma u Bosni i Hercegovini.

## III PRAVNI POLOŽAJ SAVEZA

### Član 4.

1. Savez ima svojstvo pravnog lica, koje to svojstvo stiče danom upisa u Registar udruženja Ministarstva pravde Bosne i Hercegovine.
2. Na osnovu ovog Statuta, i u okviru zakona Bosne i Hercegovine, Savez nastupa u pravnom prometu sa trećim licima u svoje ime i za svoj račun.
3. Savez odgovara sopstvenom imovinom za preuzete obaveze.
4. službeni jezik Saveza je službeni jezik utvrđen Ustavom BiH uz ravnopravnu upotrebu latiničnog i ćirilnog pisma.
5. Savez ima svoj račun.

### Član 5.

Lica ovlaštena da zastupaju i predstavljaju Savez su :

1. predsjednik Saveza,
2. generalni sekretar Saveza, i
3. dva potpredsjednika Upravnog odbora Saveza,

a sve u okviru ovlaštenja regulisanih ovim Statutom.

## Član 6.

Područje djelovanja Saveza je na cijelom prostoru Bosne i Hercegovine, uz mogućnost povezivanja sa drugim raznim udruženjima, organizacijama, asocijacijama u i izvan Bosne i Hercegovine u skladu sa pravilima međunarodnih asocijacija, u okviru kojih se odvijaju takmicenja.

## IV CILJEVI I DJELATNOST SAVEZA

### Član 7.

Ciljevi Saveza su zasnovani na organizovanom djelovanju plesnih organizacija na kulturnom, umjetničkom i sportskom planu na teritoriji Bosne i Hercegovine.

Svoje ciljeve Savez ostvaruje kroz:

- a) organizovan rad na okupljanju djece i omladine
- b) razvoj raznih modernih i sportskih plesova
- c) organizovanje kulturno-zabavnih manifestacija, sportskih domaćih takmicenja u raznim plesnim disciplinama, javnih nastupa i sl.
- d) razvijanje radnih osobina i discipline plesaca u cilju sprecavanja negativnog uticaja sredine (droga, alkohol...)
- e) organizovanje seminara, kurseva, radionica, raznih projekata i sl. te pedagosko-psiholoski rad sa plesacima
- f) stvaranje mogucnosti svojim clanovima da se bave i usavrsavaju u svom umjetnickom i sportskom djelovanju do nivoa vrhunskih rezultata
- g) ostvarivanje aktivne saradnje sa nadleznim gradskim, entitetskim i drzavnim organima, sportskim organima, domaćim plesnim organizacijama, a sve u cilju unapredjenja zajednickih interesa Udruzenja
- h) posebna ulaganja u strucni kadar Udruzenja (sudije, trenere, koreografe...)
- i) stimulatивно nagradjivanje plesaca, trenera, sudija za postizanje znacajnih rezultata
- j) njegovanje i podsticanje drugarstva, uzajamne solidarnosti i tolerancije svake vrste
- k) objavljivanje informativnih letaka, publikacija, plesnih listova i brosure u okviru Udruzenja za potrebe informisanja o aktivnostima Udruzenja
- l) obavljanje i drugih poslova koji su od posebnog interesa za kulturno-umjetnicko i sportsko djelovanje u skladu sa zakonom i aktima Udruzenja

Plesovi i grupe plesove na koje se odnose djelatnosti Saveza su:

<b>I Performing Arts</b>		
Show Dance	Ballet	Jazz Dance
Acrobatic/Gimnastics	Character/Ethnic/Folk	Modern
Production	Tap Dance	Belly Dance- / Oriental
Flamenco		
<b>II Street Dance/Pop</b>		
Break Dance	Electric Boogie	Hip Hop
Disco Dance Traditional (Dance Floor)	Disco Dance Freestyle	Street Dance Show
Techno	International Freestyle	

<b>III Special Couple Dances</b>			
Argentine Tango	Nordic Tango	Salsa	Merengue
Special Couple Dance Formations	Bugg-Double Bugg	Disco-Hustle/Disco-Swing/Disco-Fox	Mixing Blues
Caribbean Dances	Salsa Rueda De Casino	Street Latino	Street Mambo
American Mambo	Latino Show	Jitterburg	Bachata
Salsa Shines	Lambada / Zouk		
<b>IV Possible Other Dance Disciplines</b>			
Mix Dance 1- Mix Dance 2	New Vogue	Old Time	
American Ballroom	American Rhythm	Sequence/Round	
Country Western	Wheel Chair Freestyle	Synchro Dance	

## V ORGANI SAVEZA

### Član 8.

Savez ostvaruje svoje programske ciljeve i zadatke preko izvršnih organa upravljanja i ostalih pratećih komisija organizovanih unutar Saveza.

Rad Saveza i svih njegovih organa je, osim u izuzetnim slučajevima predviđenim opštim aktima, javan. Organi Saveza su dužni da o svom radu i radu Saveza u cjelini redovno obavještavaju članove i širu javnost, interno i putem sredstava javnog informisanja.

### Član 9.

Organi Saveza su:

1. Skupština
2. Upravni odbor
3. Nadzorni odbor
4. Disciplinska komisija

## VI SKUPŠTINA

### Član 10.

Skupština je najviši organ upravljanja Savezom, sa nadležnostima utvrđenim ovim Statutom.

Skupštinu sačinjavaju delegati, odnosno članovi udruženja koji osnivaju Savez, a koji se biraju na Skupštini svog udruženja.

Svako udruženje dostavlja Generalnom sekretaru Saveza listu svojih delegata koji su pravovaljano i slobodno izabrani na njenoj Skupštini.

Skupština ima svoj poslovnik o radu, a istom predsjedava Predsjednik Skupštine, koji se bira na svakoj sjednici Skupštine iz reda delegata Skupštine. Predsjednik predsjedava Skupštinom i rukovodi njenim radom.

Skupština ima radno predsjedništvo koje se sastoji od: Predsjedavajućeg Skupštine i dva člana, koji se biraju na svakoj skupštini posebno.

Njihova obaveza je da u toku sjednice Skupštine usklade prijedloge i odluke Skupštine.

Skupština bira dva člana verifikacione komisije.

Skupština bira zapisničara koji vodi zapisnik Skupštine.

Skupština se sastaje najmanje jednom godišnje, a po potrebi i više.

Skupštinu zakazuje Generalni sekretar po odluci Upravnog odbora Saveza ili na zahtjev dvije trećine članica ili na zahtjev Nadzornog odbora.

Datum, mjesto, vrijeme kao i prijedlozi dnevnog reda moraju biti dostavljeni članovima Udruženja najkasnije 15 dana prije početka sjednice Skupštine, a dostavlja ih generalni sekretar. Prijedlozi za dopunu dnevnog reda Skupštine Udruženja moraju biti dostavljeni Upravnom odboru najkasnije 5 dana prije početka sjednice Skupštine.

### **Delegati na Skupštini Saveza**

#### **Član 11.**

Skupština je samostalna u svom radu.

Skupština donosi odluke i punopravno odlučuje ako njenom radu prisustvuje više od polovine ukupnog broja delegata, a odluke se donose većinom glasova prisutnih delegata.

Odluke Skupštine, (izmjene i dopune statuta, prestanak rada saveza, transformacija, udruživanje u druge i slične organizacije), moraju imati saglasnost 2/3-ske većine prisutnih delagata.

U slučaju jednakog broja glasova "ZA" i "PROTIV" nekog predloga, isti se vraća na doradu.

Glasanje je javno, dizanjem ruke, osim ako Skupština drugačije odluči.

### **Nadležnosti Skupštine**

#### **Član 12.**

Skupština vrši sledeće poslove:

1. Usvaja dnevni red,
2. Usvaja zapisnik sa predhodno održane sjednice Skupštine,
3. Usvaja Statut, kao i odluke o njegovim izmjenama i dopunama,
4. Usvaja godišnji plan rada,
5. Usvaja završni finansijski račun i finansijski plan za narednu godinu ,
6. Donosi poslovnik o svom radu, kao i odluke o njegovim izmjenama i dopunama,
7. Bira i opoziva Predsjednika Saveza,
8. Bira i opoziva članove Upravnog Odbora, Nadzornog odbora i Disciplinske komisije,
9. Bira i imenuje Sportskog direktora Saveza,
10. Bira i imenuje Generalnog sekretara Saveza,
11. Usvaja Disciplinski pravilnik, kao i odluke o njegovim izmjenama i dopunama,
12. Odlučuje u drugom stepenu o prijemu i isključenju članova, osim u slučaju isključenja po osnovu disciplinske odgovornosti,
13. Odlučuje o udruživanju u druga domaća i strana udruženja, asocijacije, saveze te imenuje svoje predstavnike u iste,
14. Donosi odluke o statusnim promenama,
15. Donosi odluku o transformaciji Saveza, odnosno donosi odluku o prestanku rada Saveza.

### **VII NADZORNI ODBOR**

#### **Član 13.**

Nadzorni odbor je samostalni organ koji vrši kontrolu sprovođenja Statuta i drugih opštih akata Saveza, kontrolu materijalnog-finansijskog poslovanja Saveza i nadzor nad zakonitošću rada organa Saveza.

Nadzorni odbor broji tri člana koje bira Skupština na period od 3 godine, sa mogućnošću ponovnog izbora.

Nadzorni odbor bira predsjednika iz svog sastava. Odluke se donose većinom glasova od ukupnog broja svojih članova.

#### **Član 14.**

Nadzorni odbor ima pravo i obavezu da o negativnim pojavama kojima se nanosi moralna ili materijalna šteta Savezu obavijesti UO i Skupštinu kao i lice koje je nanijelo štetu Savezu po hitnom postupku.

U slučaju da organi i ovlaštena lica Saveza ne preduzmu odgovarajuće mjere u smislu prethodnog stava, u roku od 30 dana od dana obavještenja o uočenim negativnim postupcima, Nadzorni odbor je dužan da o istim negativnim postupcima obavijesti nadležne organe državne uprave.

#### **Član 15.**

Nadzorni odbor je obavezan da svoj izvještaj podnosi Skupštini Saveza najmanje jednom godišnje, a može po potrebi i više puta. Nadzorni odbor je isključivo odgovoran Skupštini Saveza.

### **VIII UPRAVNI ODBOR**

#### **Član 16.**

Upravni odbor Saveza (skraćeno UO) je kolektivni izvršni organ kojeg bira Skupština iz svog sastava i broji 5 članova. U slučaju da prilikom glasanja delegirani kandidati imaju isti broj glasova, glasanje za te kandidate se ponavlja.

U UO se bira predsjednik i po 2 člana iz svakog entiteta. Mandat članova UO traje 3 godine.

Rad UO odvija se na sjednicama koje se održavaju po pozivu Predsjednika UO ili na zahtjev većine članova UO. Za rad Upravnog odbora potrebno je da bude prisutno više od polovine ukupnog broja članova, a odluke se donose većinom glasova ukupnog broja članova UO.

Sjednice Upravnog odbora se mogu organizovati i putem interneta. Članovi Upravnog odbora svoja ovlaštenja mogu prenijeti na druge članove Upravnog odbora na osnovu punomoći koja se prosljeđuje Predsjedniku Upravnog odbora.

#### **Član 17.**

Upravni odbor upravlja poslovima Saveza u skladu sa Statutom, izvršava odluke, zaključke i ostale akte Skupštine Saveza.

Administrativno-pravnu, materijalno-finansijsku i sve prateće službe Saveza, organizuje Upravni odbor Saveza.

U slučaju spriječenosti Predsjednika Upravnog odbora, njegove obaveze i ovlaštenja preuzima jedan od članova UO po ovlaštenju predsjednika.

#### **Član 18.**

Članu Upravnog Odbora može prestati članstvo i pre isteka mandata u slijedećim slučajevima:

- podnošenjem ostavke,
- opozivom,
- u slučaju više sile

Opoziv se sprovodi u postupku kao i za izbor članova Upravnog odbora, a Upravni odbor ga može pokrenuti u slučaju:

- neaktivnosti,
- neučešća u radu Upravnog odbora,
- povrede Statuta,
- na zahtjev plesno-sportskog udruženja čiji je član,
- u drugim slučajevima po ocjeni Upravnog odbora.

#### **Član 19.**

Svi članovi UO vode određene resore.

Mandat članova UO Saveza je tri godine, sa mogućnošću ponovnog izbora.

Predsjednik UO rukovodi sjednicama UO.



## Član 20.

Upravni Odbor vrši slijedeće poslove:

1. organizuje sprovođenje odluka Skupštine,
2. rukovodi radom Saveza između sjednica Skupštine,
3. donosi odluke o imenovanju i obrazovanju komisija pri Savezu,
4. čuva imovinu Saveza,
5. priprema sjednice Skupštine,
6. sprovodi postupak za dodjelu nagrada i priznanja,
7. razmatra i preduzima mjere po pitanju primjedbi Nadzornog odbora,
8. utvrđuje i sprovodi protokole o međunarodnim odnosima i saradnji,
9. donosi normativne akte, osim onih koji su u nadležnosti Skupštine,
10. donosi svoj poslovnik o radu,
11. bira i imenuje članove povremenih i stalnih komisija
12. usvaja i mijenja pravilnike u komisijama koje imenuje i obrazuje Upravni odbor
13. odlučuje u prvom stepenu o prijemu novih članova u Savez i o isključenju osim u slučajevima isključenjima po osnovu disciplinske odgovornosti. Drugostepenu odluku donosi Skupština vezano za prigovore i žalbe na odluke komisija u okviru Saveza.
14. bavi se uređivanjem i izdavanjem reklamnog materijala koji izdaje Savez u svrhu promovisanja plesa u okviru Saveza kao i pripremanjem brošura za edukaciju budućih koreografa i sudija. UO može da imenuje posebnu komisiju za rad na promotivnom materijalu ili to čini neka od već postojećih komisija. UO je dužan da kontroliše rad istih.
15. radi na promovisanju Saveza u medijima

## Član 21.

Predsjednik Upravnog odbora prati rad komisija i sinhronizuje rad istih. Organizuje sjednice Upravnog odbora, potpisnik je svih zvaničnih dokumenata Saveza. Za svoj rad odgovoran je Upravnom odboru i Skupštini Saveza.

## Član 22.

Skupština imenuje Sportskog direktora Saveza.

Sportski direktor je lice iz reda istaknutih stručnjaka u okviru plesnih aktivnosti. Mora ispunjavati sljedeće uslove:

- da ima najmanje višu stručnu spremu i da je osposobljen za obavljanje stručnih poslova u sportu,
- da ima najmanje 5 godina trenerskog iskustva,
- da ima aktivno poznavanje engleskog jezika ili nekog drugog stranog svjetskog jezika
- dokazane stručne i organizacione sposobnosti u plesu i zavidne rezultate na domaćim i međunarodnim takmičenjima

Sportski direktor u okviru svojih nadležnosti je obavezan da Skupštini proslijedi svoje mišljenje o trenutnim sposobnostima određenih plesnih takmičara koji u datom trenutku predstavljaju Udruženje na internacionalnoj takmičarskoj sceni, te da prati, koordinira i organizuje stručni rad na nivou Saveza.

UO može na prijedlog Sportskog direktora otkazati pojedinim takmičarima učešće na internacionalnoj takmičarskoj sceni. Sportski direktor je za svoj rad odgovoran Skupštini.

## IX PREDSJEDNIK SAVEZA

Predsjednik Saveza obavlja slijedeće poslove i zadatke:

- Zastupa i predstavlja Savez;
- Rukovodi radom Skupštine i održava red za vrijeme sjednice;
- Brine o primjeni i poštivanju akata koje donose organi Saveza;

- Brine se i odgovara za zakonitost u radu Saveza;
- Obavlja i druge poslove koji su u njegovoj nadležnosti.

Predsjednik Saveza se brine da rad Saveza i njegovih organa bude usklađen sa Zakonom, ovim Statutom i drugim aktima Saveza.

Predsjednik Saveza je materijalno-financijski naredbodavac i odgovoran je za materijalno-financijsko poslovanje Saveza.

Predsjednika Saveza imenuje Skupština na mandatni period id 3 godine sa pravom ponovnog izbora.

Predsjednik Saveza za svoj rad odgovara Skupštini Saveza.

## **X KOMISIJE SAVEZA**

### **Član 23.**

Stalne komisije Saveza su:

1. Disciplinska komisija,
2. Takmičarska komisija,
3. ostale komisije.

### **Struktura komisija**

### **Član 24.**

1. Predsjednika i dva člana Takmičarske komisije bira Upravni odbor.
2. Upravni odbor, po potrebi može formirati i druge komisije,
3. Mandat svih komisija je tri (3) godine, sa pravom ponovnog biranja.
4. Ostale komisije se formiraju isključivo na inicijativu UO ili Skupštine Saveza.
5. Iste komisije su odgovorne inicijatorima njihovog osnivanja.
6. Prava i obaveze se regulišu samim aktom njihovog formiranja.
7. Svaka komisija je ograničena na najviše tri člana, uključujući i predsjednika iste.
8. Predsjednika komisije, na prijedlog dva člana komisije može razriješiti Upravni odbor i imenovati novog.
9. Kvorum je postignut kada je prisutna većina od ukupnog broja članova komisije.
10. Komisija donosi odluku većinom izraženih glasova.

### **Član 25.**

Disciplinska komisija broji tri člana i dva zamjenska člana.

Disciplinsku komisiju i Predsjednika Disciplinske komisije bira Skupština, na mandat od 3 godine.

Disciplinska komisija radi po Disciplinskom pravilniku Saveza, usvojenog od strane Skupštine Saveza.

### **Član 26.**

Disciplinske mjere mogu biti izrečene za nespportsko ponašanje, povredu i prekršaj Statuta Saveza, pravilnika ili odluka donesenih u skladu sa njima.

### **Član 27.**

Članovima Saveza mogu biti izrečene mjere, u skladu sa Disciplinskim pravilnikom.

### **Član 28.**

Disciplinske mjere i direktive mogu biti izrečene istovremeno vezano za pojedini slučaj.

## **XI GENERALNI SEKRETAR SAVEZA**

### **Član 29.**

Generalni sekretar je obavezan da na sjednicama Upravnog odbora vodi zapisnik u koji se upisuju odluke, preporuke, mišljenja, zaključci i slično.

### **Član 30.**

Skupština Saveza imenuje Generalnog sekretara.

Mandat generalnog sekretara je 3 godine sa mogućnošću ponovnog izbora.

Generalni sekretar je obavezan da priprema rad sjednice Skupštine Udruženja.

Obavezan je da se stara o sprovođenju odluka Skupštine Udruženja i odluka UO.

Za svoj rad Generalni sekretar je odgovoran Skupštini.

## **XII USLOVI, NAČIN UČLANJENJA I PRESTANAK ČLANSTVA, PRAVIMA , DUŽNOSTIMA I ODGOVORNOSTIMA ČLANOVA SAVEZA**

### **Član 31.**

Sva plesna udruženja registrovana u skladu sa važećim Zakonima BiH mogu postati članovi Saveza pod jednakim uslovima koje propisuje ovaj Statut.

Uslovi za pridruženo članstvo u Savezu su sljedeći:

1. da Upravnom odboru podnese pismeni zahtjev za prijem u pridruženo članstvo,
2. da dostavi Statut ovjeren u sudu,
3. rješenje o upisu u registar udruženja izdato od strane nadležnog organa
4. rješenje o upisu u registar sportskih organizacija nadležnog ministarstva (ako u djelatnosti imaju i sportski ples)
5. da uplati upisninu koja iznosi 50% od godišnje članarine (ista se uračunava u godišnju članarinu)
6. da dostavi potvrdu o registraciji u Poreskoj upravi (JIB, PIB)

Punopravno članstvo plesno udruženje stiče :

1. ako podnese pismeni zahtjev UO koji daje preporuku Skupštini
2. da je najmanje godinu dana proveo u statusu pridruženog člana Saveza,
3. da je imao minimum 3 registrovana takmičara u protekloj sezoni
4. da je učestvovao na bar jednom takmičenju u prethodnoj sezoni
5. da prihvata pravce djelovanja Saveza,
6. da neće djelovati u suprotnosti ovog Statuta.

Sva plesna udruženja imaju jednaka prava koja su predviđena ovim Statutom.

Odluku o prijemu u članstvo Saveza donosi Upravni odbor Saveza u roku od 30 dana od dana prijema zahtjeva. Ukoliko UO ne donese odluku po zahtjevu u roku od 30 dana od dana prijema zahtjeva ili donese odluku kojom se zahtjev odbija, plesno udruženje može izjasniti prigovor Skupštini Saveza u roku od 15 dana od dana prijema odluke UO.

### **Član 32.**

Pridruženi članovi nemaju pravo glasa u organima Saveza, ali imaju pravo da učestvuju u diskusijama na Skupštini Saveza, da organizuju takmičenja i da učestvuju na takmičenjima sa svojim plesačima.

Pridruženi članovi imaju obavezu plaćanja članarine Savezu.

Svake godine na redovnoj sjednici Skupštine, ali ne pre isteka jedne godine od sticanja statusa pridruženog člana, razmatra se mogućnost da pridruženi članovi postanu punopravni članovi Saveza pri čemu se uzima u obzir njihova kompletna aktivnost u proteklom periodu.

Status pridruženog člana se može obnovljati na zahtjev UO ili na lični zahtjev, ali ne duže od 3 godine, nakon čega se udruženje mora izjasniti o svom statusu u Savezu.

### **Član 33.**

Upravni odbor predlaže Skupštini lica koja su svojim aktivnostima doprinijela razvoju Saveza.

Skupština odlučuje na koji način da se isto lice nagradi ili pohvali.

### **Član 34.**

Članom Saveza ne može postati udruženje:

1. čija je djelatnost usmjerena kršenju Ustavom zagaranovanih zajedničkih sloboda i prava građana,
2. čija je aktivnost usmjerena raspirivanju rasne, vjerske ili neke druge vrste mržnje,
3. čija je aktivnost usmjerena ka vršenju krivičnih postupaka.

### **Član 35.**

Prava punopravnih članova Saveza:

1. da učestvuju u radu svih organa Saveza,
2. da biraju i budu birani u organe i komisije Saveza,
3. da iznose probleme i da predlažu rješenja istih,
4. da stiču i druga prava predviđena ovim Statutom.

### **Član 36.**

Obaveze punopravnih članova Saveza :

1. da izvršavaju sve zadatke iz programa, akata i plana rada Saveza,
2. da čuvaju ugled Saveza,
3. da redovno izvršavaju svoje obaveze prema Savezu,
4. da učestvuju u aktivnostima vezano za razne manifestacije Saveza,
5. da se pridržavaju nepisanog kodeksa ponašanja u Savezu,
6. ukoliko su u mogućnosti da svojim aktivnostima pomognu ostale članice ili da traže podršku ostalih članicau određenim aktivnostima.

### **Član 37.**

Članstvo u Savezu prestaje:

1. istupanjem,
2. isključenjem,
3. prestankom rada pravnog lica.
4. automatski, prelaskom članice u drugi Savez bez saglasnosti SMPuBIH, a što je i kršenje dokumenta potpisanog pristupanjem međunarodnoj plesnoj federaciji, čiji je Savez član.

O isključenju člana u prvom stepenu, odluku donosi UO.

Isključeni član ima pravo žalbe u roku od 15 dana, Skupštini čija je odluka konačna.

O isključenju člana u prvom stepenu, odluku donosi UO.

Isključeni član ima pravo žalbe u roku od 15 dana, Skupštini čija je odluka konačna.

### **Član 38.**

UO donosi odluku o privremenom statusu mirovanja članice na lični zahtjev člana. Status mirovanja automatski postaje u slučaju kada član nije izmirio svoje obaveze u trajanju od 6 mjeseci, u tekućoj plesnoj sezoni.

Članica sa statusom mirovanja nema pravo glasa u organima Saveza, a ujedno nema ni pravo učestvovanja na takmičenjima, sve dok ne ispuni svoje obaveze.

Prestanak statusa mirovanja nastaje kada članica donese dokaz o izmirenju svojih obaveza.

Status mirovanja može trajati najviše 1 godinu, a po isteku ovog perioda Skupština donosi odluku o isključenju članice.

## **XIII POSTUPAK ZA DONOŠENJE STATUTA, IZMJENE I DOPUNE STATUTA I DRUGIH OPŠTIH AKATA SAVEZA**

### **Član 39.**

Skupština Saveza donosi odluku o usvajanju, izmjenama i dopunama Statuta na svojim redovnim godišnjim sjednicama, ili na sjednicama za koje se ukaže potreba da se održe.

Izmjene i dopune Statuta se vrše na isti način i po istoj proceduri kao i za donošenje Statuta, gdje je potrebna dvotrećinska većina.

### **Član 40.**

UO donosi odgovarajuće odluke, akte, prijedloge i ostala dokumenta koja nisu u nadležnosti Skupštine Saveza.

### **Član 41.**

Ostale komisije donose odluke u okviru svojih nadležnosti

## **XIV NAČIN STICANJA, KORIŠTENJA I RASPOLAGANJA SREDSTVIMA I IMOVINOM SAVEZA**

### **Fiskalna godina, budžet**

### **Član 42.**

1. Fiskalna godina Saveza počinje 1. januara i završava se 31 decembra.
2. Upravni odbor utvrđuje budžetske smjernice Saveza, finansijski plan prihoda i rashoda za fiskalnu godinu, koji razmatra i usvaja skupština Saveza.
3. Potpisnici transakcijskog računa saveza je Predsjednik i generalni sekretar Saveza.

### **Član 43.**

Nadzor nad ostvarivanjem, korištenjem i raspolaganjem sredstvima Saveza vrši Nadzorni odbor.

### **Finansiranje Saveza**

### **Član 44.**

Osnovni prihodi Saveza:

1. iz državnog budžeta namjenjenog za finansiranje sporta,
2. prihodi od članarina svojih članova,
3. prihodi od kotizacija za organizaciju takmičenja,
4. od registracije takmičara,

5. od polaznika seminara,
6. od članarina sudija,
7. od ugovora sa drugim organizacijama (reklame, sponzorstva, donacije, subvencije i donacije),
8. prihod od strane preduzeća, firmi i ostalih agencija koje formira Savez u skladu sa članom 4. Zakona o udruženjima i fondacijama BiH.
9. ostali prihodi koji su saglasni zakonima BiH.

#### **Član 45.**

1. Ostvarena sredstva saveza mogu se koristiti isključivo za razvoj modernih plesova, a u skladu sa ciljevima i zadacima Saveza.
2. Finansijska sredstva koriste se u skladu sa godišnjim planu koji usvaja Skupština Saveza, a finansijsko poslovanje se vodi u saglasnosti sa finansijskim propisima.
3. Finansijska sredstva koriste se za realizaciju:
  - Troškovi međunarodnih sudaca na domaćim takmičenjima,
  - Izmirenje troškova puta za sjednice Upravnog odbora, Skupštine, Generalnog sekretara i članova Komisija Saveza,
  - Nabavke materijalno-tehničkih sredstava,
  - Nabavke opreme i programa za obradu podataka na računaru,
  - Tekućih potreba (kancelarijski materijal, nagrade, održavanje web stranice, i dr.),
  - Naknada za rad Generalnog sekretara Saveza.

### **XV POSTUPAK UDRUŽIVANJA U DRUGE SAVEZE, UDRUŽENJA, ASOCIJACIJE**

#### **Član 46.**

Skupština donosi odluku o udruživanju u druge saveze, udruženja, ili asocijacijama na redovnoj godišnjoj Skupštini Udruženja ili po iskazanoj potrebi.

Savez se može spojiti, razdvojiti ili transformisati samo u drugi savez.

Odluku o spajanju, razdvajanju ili transformaciji u drugi savez donosi Skupština Saveza dvotrećinskom većinom ukupnog broja delegata Skupštine Saveza.

### **XVI ZASTUPANJE I PREDSTAVLJANJE SAVEZA**

#### **Član 47.**

Savez zastupaju i predstavljaju predsjednik Saveza, Generalni sekretar Saveza i dva člana Upravnog odbora.

U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima lica za zastupanje i predavljanje Saveza mogu dati pismenu punomoć za zastupanje advokatu ili drugom stručnom licu.

### **XVII PRESTANAK RADA**

#### **Član 48.**

Savez može prestati sa radom dobrovoljno ili po sili Zakona.

Savez prestaje sa radom dobrovoljno na osnovu odluke Skupštine Saveza.

Odluka o prestanku sa radom Saveza se donosi dvotrećinskom većinom ukupnog broja delegata Skupštine Saveza.

U slučaju dobrovoljnog prestanka rada Skupština Saveza usvaja plan likvidacije koji je u skladu sa Statutom Saveza.

#### Član 49.

1. Savez prestaje sa radom ako:
  - a) Skupština Saveza donese odluku o prestanku rada ili odluku o pripajanju, razdvajanju ili transformaciji
  - b) se utvrdi da je Savez prestao djelovati
2. Smatrat će se da je Savez prestao djelovati ako :
  - a) je proteklo dvostruko više vremena od vremena utvrđenog Statutom Saveza za održavanje Skupštine Saveza, a Skupština nije održana.
  - b) se broj članova Saveza smanji ispod tri
3. Kada Ministarstvo utvrdi činjenice iz stava 1. i 2. ovog člana donosi rješenje o prestanku rada Saveza.

#### Član 50.

1. Savezu će se zabraniti rad ako:
  - a) djeluje suprotno odredbama Zakona o udruženjima i fondacijama BiH
  - b) nakon prekršajnog kažnjavanja u povratu nastavi da obavlja djelatnosti koje nisu u skladu sa statutarnim ciljevima Saveza.
  - c) nakon prekršajnog kažnjavanja u povratu nastavi da djeluje suprotno odredbama Zakona o udruženjima i fondacijama BiH
2. Postupak za zabranom rada Saveza pred sudom BiH pokreće Ministarstvo kao i drugi organi nadležni za kontrolu rada udruženja.

#### Član 51.

Nakon donošenja odluke o dobrovoljnom prestanku rada Saveza o njegovoj imovini odlučuje Skupština Saveza. Skupština usvaja plan likvidacije prema kojem se imovina Saveza prvenstveno raspoređuje na zakonske i ugovorne obaveze te se preostala imovina prenosi na drugi registrovani savez koji se bavi istim ili sličnim ciljevima.

Nakon prestanka rada Saveza po sili zakona , presudom, koju donosi sud BiH odredit će se i mjere u pogledu imovine.

### XVIII ZAVRŠNE ODREDBE

#### Član 52.

Izmjene i dopune ovog Statuta vrše se po postupku i na način kao i za njegovo donošenje, u skladu sa odredbama ovog Statuta.

#### Član 53.

Ovaj Statut stupa na snagu danom usvajanja.

**Banja Luka : 15.01.2009.**

**Broj: 03/09**

**Predsjedavajući Skupštine  
SMPuBIH**



**Velibor Srđić**